

Le Sorvisc ai Jogn Val Badia adüm al Raiun Sozial chir por le proiet "Isté deboriada 2012" animadus/ësses che à arjunt la majera eté y che ess ligrèza da laurè cun mituns dla elementara y passè cun èi n bel isté. Al vègn inçe chirì animadus/ësses de lingaz dla uma todèsch o talian. Por informaziuns cherdè sò te Sorvisc ai Jogn al nr.0474/523070 anter 29.02.2012.

* * * * *

Informaziun dal RAIUN SOZIAL: Le grup de autoaiüt por porsones che ciara de familiars o de jënt atempada a ciasa, invièia en mertesc, ai 07.02.2012 dales 15:00 tla sènta dl raiun sozio-sanitar a Piculin a na incuntada cun Siur Franz Sottara. Al baiarà dl'assistènza spirituala, di sacramènc y dl òl sant. Düc é dèr bel invià y informaziuns ciafèise al nr.0474/524513.

* * * * *

Le SORVISC SOZIAL organisèia, en colaboraziun cun Gertrud Calenzani, la 2. incuntada dl grup de autoaiüt por familiars y porsones che à albü n trauma al ce o che al ti à dè le bòt al ce. An podarà baié dles esperienzes y ciafè informaziuns ütles. Chèsta incuntada sarà al 01.02.2012 dales 14:30 tla sènta dl Raiun Sozial a Picolin. Informaziuns al nr. 0474/524506

* * * * *

La Uniun Patrones Badia invièia a n curs da fa scufuns da ciasa che dūra 2-3 iadi. Metun man ai 10.02.2012 dales 14:00 te Ciasa Runcher. Prenotaziuns y informaziuns pro Gabi: 339/6009096.

* * * * *

I JOGN da RINA organisèia na gara dla liösa a copies cun "ostacoli" ai 05.02.2012 dales 11:00 tl ciamp dl sport a Rina. Iscriziuns anter 03.02.2012 al nr. 3495432762. Gnide tröc!

Vangele dla dumènia che vègn - V° / B do San Merch 1,29-39

Te chël tèmp é Gejù jü deboriada cun Iaco y Jan tla ciasa de Scimun y d'Andrè. La jocera de Scimun é cun borjù te let. Ai ti à cuntè de d'èra a Gejù, y al é jü da d'èra, l'à tuta por la man y l'à daidada sò. Dailò ti é jü demez le borjù, y ara i à sorvi. Da sèra, do che sorèdl é flori, àn condüt düc i amarà y i indemonià da Gejù. Döta la cité s'á abiné adöm dan porta de ciasa y al nen varí tröc che à de vigni sort de maraties y al parà fora tröc demonns. Y al ti proibì ai demonns de baié; ciodì ch'ai savò ché che èl è. Da doman, ciomò à scür, é lovè y é jü te n post sorènt a perié. Scimun y chi che l'á acompagné ti é debota jüs do, y canch'ai l'á ciafè, ti ài dit: Düc te chir! Al ti à respognü: I jun altró ti paisc daimprò a pordiché inçe dailò; ciodiche por chèsch sunsi pö gnü. Al rodà por döta la Galilea, pordicà tles sinagoghes y parà fora i demonns.




Usc dla Cüra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 10

Edema: 29.01 - 05.02.2012



**QUANTO PIÙ RICEVIAMO
dal DIGNORE +
TANTO PIÙ DOBBIAMO
LAVORARE PER ALL +
B. GIUSEPPE FREINADEMETZ**

**FESTA DE SANT UJÖP FREINADEMETZ
29 DE JENÀ**

FUNZIUNS SACRES

29.01. IV.DUMËNIA dl ANN / B

Festa de S.Ujöp Freinademetz

10.00 S.Mëssa ciantada en onur de S.Ujöp Freinademetz

15.00 OIES – Mëssa da Festa cun le Vëско

18.00 †tes Tarina y Hedwig Costa
†to Alfonso Irsara
en onur de S.Ujöp Freinademetz



30.01. Lünesc - S.ta Martina

14.00 Mëssa de sopoltüra dla
†ta Teresa Frenademetz Pescoll

31.01. Mertesc – S.Jan Bosco

Degüna S.Mëssa

01.02. Mercui

07.25 †ti Tarina y Iaco Pescoller - aniversar
por fam. Davide Alfreider
†ti de Paola Piccolruaz da Alfarèi

02.02. Jöbia – PRESENTAZ.dl SIGNUR – S.Maria de Forà

19.30 *Benedisciun dles ciandëres*
por fam. Nicoló Mininni
†ti Giustina y Linert Piccolruaz – aniver.
vis y †ti de Veneranda Ferdigg



03.02. Vëndres - S.Blaie

07.25 †ti Iaco y Fefa Adang - aniversar
†ti Maria y Merch Irsara
por les animes dl purgatore
Benedisciun de S.Blaie

04.02. Sabeda

16.00 Oies - S.Mëssa

05.02. V. DUMËNIA dl ANN / B - “Dé dla Vita”

10.00 Mëssa por la Comunité
14.00 Funziun de ringraziamënt por i batià dl ultimo ann
18.00 †ta Rita Granruaz – anivers. y †ti dla familia
†to Carlo Vittur y familia
†ti Mariangel y Maria Canins – aniversar
†ti Fridl, Giovanni y Oliva Irsara

Dala VITA dla CÛRA



Por la **FESTA de S.MARIA de Forà** tignunse en jöbia, ai 02.02.2012 la S.Mëssa dales 19:30 cun la Uniun dles Èles a chëla che düc y, dandadüt les èles, é bel inviades da gnì. Al sarà ince la benedisciun dles ciandëres y al ne gnarà metü fora da cumprè.



BENEDISCIUN de S.BLAJE: vëgn dada en vëndres do la Mëssa da duman, dales 12:00 por i scolars y dales 14:45 por i mituns dla scolina y families cun pici mituns .



COMUNIUN ai AMARÀ: Ala ti vëgn portada en vëndres, ai 03.02.2012 dales 10:00 inant.



CUNSËI de CÛRA: al se abina en mertesc, ai 31.01.2012 dales 20:00. Propostes y ideas é dagnëra bëgnodüdes y podëis les portè dant ai mëmbri dl cunsëi.



DÉ dla VITA: en dumënia, ai 05.02.2012 pro la funziun dales 14:00 ringraziunse por i pici mituns/mitans nasciüs y batià dal ultimo “Dé dla Vita” óina sëgn. Düc i familiars, i toç/totes de chisc pici y düta la Comunité é dër invià a chësta funziun.



Recordun la “**Bibelrunde**” en lünesc, ai 30.01.2012 y ai 06.02.2012 dales 20:00 te calonia. Tolesse para la Sacra Scritöra.



En mertesc, ai 31.01.2012 complësc **Zita Pescollderungg Irsara** da S.Linert 88 agn, **Maria Alfreider Burchia** da Pedraces 84 agn y **Giuseppe Frenademez** da Pescolderunch 81 agn. Le Senioreclub y düta la Comunité de Badia ti aoda a düc trëi düt le bun, sanité y benedisciun de Dî.



En dumënia, ai 05.02.2012 da mëssa grana vëgnel prejentè i pici ministranc che à metü man so sorvisc